




臺草木經歲不萎花開無節黃巡方云余仲冬按部至斗
六門見桃花方謝至笨港見人擎荷花數枝回署見榴花
照眼丁河峯歲除一聯迎年蓮菊猶芳矣但梅傳春信獻
歲瓜茄未老還同韭薦辛盤張巡方有詩少寒多燠不霜
天木葉長青花久妍真個四時皆似夏荷花度臘菊迎年
昔蘇子瞻在海南以十一月之望與客汎菊作重九會有
云嶺南地暖百卉造作無時而菊獨後開考其理菊性介
烈不與百卉並盛衰也范巡方有元旦後四日莊副使齋
頭見菊花詩迎年何事更爭新怪底真成海外春花歷三



時如熟客莫開五葉儼浮塵幽姿豈必誇顏色艷景難教
信隱淪翰與寒梅仍應候孤芳不肯早呈身

鳳仙花

鳳仙花一名金鳳花有紅紫黃白及雜色臺俗喜種以上
厚色倍艷也臺明經李霽有詩道是仙家卉亭亭向座隅
纔驚花綴鳳翻見葉凝珠色送秋容好烟浮暮靄敷隣家
小兒女纖手爰塗朱

臺果計十四條

黃梨

黃梨寔生叢心味甘微酸葉似蒲而短濶兩旁如鋸齒攢
簇參差有如鳳尾其皮鱗起又名鳳梨盛以瓷盤其香滿
室孫司馬有詩翠葉葳蕤羽翼奇絳文黃質鳳來儀作甘
應以鐘籠寔入肯寒香抱一枝張巡方詩毛羽手茸皮甲
斂阿誰截得鳳皇身番梨縱復稱名好何似中原大谷瓊

檳榔

檳榔樹直無枝高一二丈皮類青桐節似筠葉如椶竹花
淡黃白色朶朶連珠香芬襲人寔若枣形自孟秋至孟夏
生生不絕與柳肉萋籐同蟬仄啖饌醉人如酒張巡方

有詩丹頰無端生酒暈朱唇那復吐脂香饑餐飽嚼日百
顆傾盡壺州金錯囊范巡方詩南海嗜膏門名栢柳一初嘗
面覺温苦饑如中酒得飽謝朝餐種必連栢子栢柳不與
栢柳間栽剛花功寧比福孫瘴鄉能已疾留得口脂痕孫司馬詩竹
節樓根自一叢連林栢子判雌雄醉醒饑飽渾無賴未必
於人有四功

栢子

栢樹葉少林高子外裹粗皮如棕片内結堅殼剖之白膚
盈寸極甘脆清漿可一椀名栢酒土人以手搖聽水教清

亮則心大而甜其肉厚濁則否東坡詩美酒生林不待儀
蓋指此也

番槎

番槎有三種香槎為上肉槎木槎亞之種自荷蘭樹高大
可陰花微白寔如猪腰皮綠肉黃五月熟味酸甘臺產也
韻書字典無槎字山海經草木諸書未詳其物切片醃久
曰蓬萊醬張巡方有詩參天高樹午風清嘉寔累上當暑
成好事久傳蕃爾稚南方草木未知名孫司馬詩千章夏
木布濃陰望裏累上羨子林莫當黃柑持抵鵲來時佛國

重如金

波羅蜜

波羅蜜果種自荷蘭寔生熟以盛夏大如斗色翠綠似如
來頂剖而食之液粘而味甜與蜜相似其子似椽一子一
房煮食味亦相類孫司馬有詩波羅門下樹亭亭香蜜成
房子更馨鮮是西來真善果十方供奉佛頭青

菩提果

菩提果西域來種狀類枇杷味甘而香置諸几案足供清
玩張巡方有詩清果菩提繞室馨金包柑橘麗繁星更憐

斗大波羅蜜磔柯真同佛髻青

香果

香果花有鬚無瓣其色白其寔中空狀如蠟丸孫司馬有
詩但有繁鬚開爛熳曾無輕片見摧殘海天春色誰拘管
封奏東皇蠟一丸

釋迦果

釋迦果寔大如柿碧色有紋形如佛頭味甘而膩微酸熟
於夏秋之間亦種自荷蘭沈光文有詩稱名頗似足誇人
不是中原大谷瓊端為上林栽未得只應海島作安身

番柑

番柑種出荷蘭大於橘肉酸皮苦荷蘭人夏月飲水必取此和鹽搗作酸漿入之沈文開有詩種出蠻方味作酸熟來色燥小金丸假如移向中原去壓雪庭前亦可看

公孫橘

公孫橘似橘而小前生者紅後生者青花寔四時相續沈文開有詩枚頭儼若挂繁星此地何堪比洞庭除是土番尋得到滿筐攜出小金鈴

西瓜

西瓜暑時多內地來其產種於深秋熟於隆冬元旦多啖之皮薄瓤紅可與當州並驅但遜泉之傳霖耳乾隆二年額定福建督撫每年正月各進瓜十圓取之於臺上有進上瓜地一區約數十畝所產之瓜其子兩旁有番字其臺太守催工種收解交督撫轉進以此別為臺瓜此數十畝外所產之瓜子即無番字亦一奇也

牙蕉

牙蕉一名甘蕉即芭蕉中之一種不甚高約六七尺結子名蕉果一枝五六層每層數十枚排比而生始綠熟則黃

味極甘美異物志載羊角蕉子大如手拇指長而銳有似羊角者此也臺地村舍後每廣植之四時皆生藉以獲利性寒婦人產後每以蕉果少許置兒口中謂能消熱

番石榴

番石榴俗名莉仔菱郊野徧生花白頗香寔稍似榴雖非佳品臺人亦食之味臭且澁而社番則皆酷嗜焉

番木瓜

番木瓜直上而無枝高可一二丈葉生樹杪結寔靠幹墜於葉下或醃或蜜皆可食樹本去皮醃食更佳

臺蔬計四條

番芥藍

番芥藍似菜葉藍其紋紅根亦紅種久著盛團結成頂層層包衣彩色照耀一名番牡丹種出咬啣吧其國以為上品菜諺云一叢抵一菱言其罕也番銀錢小者名菱

金瓜茄

金瓜茄葉幹同茄花連五瓣淡紫色結寔酒鐘大似金瓜有外瓣初白後黃上人採以供玩張司馬有詩不是東陵種籬間別弄輝冰紈澄夏簟黃絹剪秋衣承露鵝兒嫩迎

風咨子肥依稀明月下疑自鳳池歸

番芋

番芋一類數名長曰土芝團曰蹲鴟又檳榔芋中有紅根相連如檳子又滾水芋大者重四五斤其味似荷香臺蔬獨芋擅名頗不似內地之芋也

番薯

番薯結寔於土生熟皆可噉有金姓者自文來攜回種之故亦名金薯閩粵沿海田園栽植甚廣農民咸藉以為半歲糧

臺木 計六條

榕橋

榕樹不中材寡伐而長壽臺郡署內有榕橋蜿蜒地上高四五尺長二丈為臺邑八景之一楊巡方二酉有詩誰將玉斧斷仙榕露葉露根影萬重疑是銀橋天上落不因風雨作神龍孫司馬有榕樹石谷歌榕生海甸長官宅冬葉青青擬松柏高幹上踰層樓翹橫枝蓋地一千尺連蜷偃蹇筋骨露礫珂盤鬱脂膏積赴土藤根蛇尾青垂空條綫龍髯赤黃鳥嚶嚶不露身白駒乞乞無停隙種植當年好

事人故遣根柯盤怪石礐礐蒼蒼皆有情相軋相樛共支
脉崖崩葉頂費吟哦散髮披襟閱朝夕雨中滅寂蒙雲烟
風裏搔禽鬪戈戟不同癡大樹空消柔盡化粗頑得潤澤
太華青城紛滿眼木石幽居念疇昔此日投荒大海陽一
生賸有烟霞癖息陰枕塊發高歌有酒如澆當醉客

綠珊瑚

綠珊瑚一名綠玉樹有枝無葉不着花槎牙互出映翠玲
瓏異產也其枝皮破有漿沾人肉毒爛不可醫臺人樹作
籬色以防盜種自呂宋來張巡方有詩一種可人籬落下

家家齊棟綠珊瑚想從海底搜羅日長就苔痕潤不枯

蕭朗木

使槎錄云蕭朗木大者數圍性極堅重入土千年不朽然
在內山人不能取洪水漂出偽鄭取以為棺寔美材也

娑羅樹

娑羅樹中空四圍摺疊成圓花紋糾結盤屈如古木用貯
管城亦雅觀也

土沉香

土沉香樹開花五瓣白色結子黃如豆大其根香

林投樹

林投樹幹直皮似栝櫚葉青而長兩旁有刺其背極堅紋
理斑駁可作檀板月琴三絃等花似薑荻寔類鳳梨有子
如金鈴番婦貫纏額上為飾并啖之

臺竹計四條

刺竹

刺竹番種也數十根為一叢生筍不出叢外截斷揀土生
根枝橫生排比而出有刺似鴛瓜殊堅利惟臺有之土人
多環植屋外以防盜臺城謂竹木城即栽插此竹以為牆

也張巡方有詩千霄刺竹易叢生渭水淇園未較盈千畝
侯封未足貴賴君海表立長城孫司馬詩潤綠編青上拂
雲下枝勾棘最紛紜到門却步遙成趣未負生平愛此君

觀音竹

觀音竹枝弱葉小藝植盆中亦可供玩張司馬有詩趺坐
伽陀石清筠自古今虛中成淨業勁節印禪心綠染菩提
果散含簷蔔林半規新月上妙義正堪尋

七絃竹

七絃竹幹白有青線紋五六七條葉與竹同

人面竹

人面竹高四五尺華葉考節密而凸宛如人面故名通志
一名佛眼竹可供玩

臺草計六條

七絃草

七絃草叢生如稻秧其朵如蘭有直紋似絃白綠相間至
冬則白變紅土人植以充玩張司馬有詩瑣室閑靜影端
躑繞砌亭亭發七絃高下有情嬌映月淺深着色嫩含烟
乍經新雨銀絲潤旋挹微風翠帶鮮最喜秋來紅結綬一

尊相對韻悠然

含羞草

含羞草高四五寸葉似槐細齒梳之則垂如含羞狀孫司
馬有詩草木多情似有之葉憎人觸避人嗤也知指佞曾
無補試問含羞却為誰張司馬詩萱花自惜可忘憂小草
如何却解愁為語世人休怪詭風清太甚要含羞

風草

風草土番識之云春生無節則經年無颰風生一節即颰
一次多一節則多一次甚為奇驗土人呼為薑竹草幹似

薑高丈許葉長尺餘有穗可為帚葉上有橫紋如指甲痕者土人又云葉上無紋即無髓有一紋生髓一次以此驗髓也

筊草

荖草蔓生葉如田薯枝柔而長根為荖藤味辣切片夾攪椰食之甚香花亦和食香更烈如雲南薑子一名浮留籐即蒟說文蒟蔓生子如桑椹苗為浮留籐左思蜀都賦所謂蒟醬取其子為之粵人夾檣柳用葉臺人用籐按正韻無荖字或作姜字亦非

番薏苡

番薏苡一名番苦荬一名心痛草能治心氣痛種出荷蘭葉秀嫩似雲板曝乾則香結子青赤色

紅毛茶

紅毛茶乃草屬黃花五瓣葉如瓜子根似籐曝乾遇有時氣熬飲即愈

臺禽計八條

長尾三娘

長尾三娘即練雀也朱喙翠翼褐脊彩耀相間尾長盈尺

生於諸彰深山六巡方有詩翠羽光華紋帶長如雲委地
美人粧命名當日非無意謂勝黃家第四娘

五鳴雞

五鳴雞一名五更雞大如鶴鷄雄者項下有黑白文如太
極圖每滴下一鼓即鳴三五鼓土番曰標標以其音相似
也諸羅陳司訓繩有詩標標引素自呼名太極平分似繪
成二十五鼓隨漏滴底須侵曉候雞鳴

華雞

華雞較錦雞微大冠與面俱赤呷足亦然尾黑白相間長

一二尺毛羽五色陸離土人用繩圈繫餌於深山生致之
然性難馴養不易

白鳩綠鳩附

白鳩每當風雨舞翅盤旋霜衣雪襟可為近玩或呼為洋
鷓種自咬啣吧來者能知氣候每交一時連鳴數鼓又有
綠鳩紺嘴碧毛艷勝鸚鵡惟不能言皆出自鳳山孫司馬
有寒暄黃鳥在晴雨綠鳩知之句

烏鶯

烏鶯似八哥而通體皆黑喙如錐尾長飛最疾鳴如鶯善

作百鳥敵夜則隨更遞喚能搏鷹鷂遇諸惡鳥飛空中則
竄啄其胸脇鷹鷂飛較遲爪不能及負痛飛鳴而去宿處
惡鳥不敢近

倒掛鳥

倒掛鳥一名小鸚哥翎羽鮮明紅綠相間喙如鈎足短爪
長性好倒掛夜睡亦然種出呂宋六巡方有詩美質天然
着綠衣束從呂宋見應稀啄餘丹嘴慵無語銷向金籠困
不飛中立羞隨凡鳥列倒垂却與衆生違細推物理誠難
解欲起張華問化機

白八哥

白八哥白畫眉俱未見或云鹽水港統領埤加冬樹大數
圍每年生白哥居民攫其雛而飼之

赭鶴

赭鶴俗呼食蛇鳥狀似鶴畧小而短尾周身毛淡紅專食
蛇以嘴啄蛇穴令自出或口啣而飛空中頭尾皆動

臺獸計五條

鹿

臺地素稱產鹿昔年近山皆為土番鹿場今則墾種良田

鹿亦稀少社番捕為鹿脯街市求一鬻不得也鹿以角紀年凡角一歧為一年猶馬之紀歲以齒又牝鹿既乳視小鹿長則避之他山憲小鹿之淫之也獸之不亂倫者惟馬壯馬悞蒸則自死牝鹿自遠以避

野牛

臺山多野牛土人設機械獲之先饑餓而後養以芻豆蕨葉與家牛無異孫司馬有蒨苗田鹿喜蕨葉野牛馴之句自註云山有野牛網而擊之馴以蕨葉

山馬

臺灣內山有馬小而力弱與內地異

黃羊

水沙連紅頭與出黃羊有鬻其皮以為襪者

豹

臺灣無虎有豹然豹與內地不同內豹皮厚金錢紋臺豹艾漿紋皮薄可為衣原產北路彰化今惟淡水雞籠山時獲一二頭稱難稱其價亦數倍於內地豹皮也

臺鱗計八條

新婦啼

新婦啼魚名狀本鮮肥熟則拳縮意取新婦未諳恐被姑
貴也孫司馬有詩汧魚未學易牙方軟玉銷為水碧漿厨
下却憐三日婦羹湯難與小姑娘嘗

飛藉魚

飛藉魚疑是沙燕所化兩翼尚存漁人懸燈以待飛入舟
中取之孫司馬有詩入海微禽能變化秋來菓燕已為魚
翻飛應悔留雙翮誤學燈蛾赴火魚

鸚哥魚

鸚哥魚鳥嘴紅色週身皆綠相傳真臘有魚名浮胡嘴似

鸚鵡孫司馬有詩朱施鳥喙翠成襦陸困樊籠水厄眾信
是知名無隱法曾聞真臘有浮胡

鮎魚

鮎魚黑色如鯁長數寸時於水面昂首二目突出身多綠
斑背有翅置於地能跳亦能行如有足然六巡方有詩無
鱗隱見綠苔斑額上雙眸月兩環掉尾居然行地上潛身
不肯入波間烹來羹膾爭誇美捕向淤泥未覺艱海外蝨
魚皆有異他年歸去紀南蠻范巡方和韵怒目稜稜遍體
斑蛇行也解曲迴環如何生在滄溟裏偏喜身居清濁間

虎穴棹頭終不顧六給諫畜數尾于池有跳石上斃者龍門燒尾可知艱烹鮮更怪成何味叢筴令人鄙百蠻

烏魚

烏魚於冬至前由彰化鹿港及安平大港至鳳山瑯嶼海脚石罅處放子仍回北路至前為正頭烏則肥至後曰回頭烏則瘦鳳山雜餉有烏魚旗稅拾遺記大業六年吳郡獻海膾四瓶帝以示羣臣云昔術人介象於殿庭釣得鰩魚此幻化耳今日之膾乃是真海魚所作來自數千里亦是一時奇味即出數盤以賜羣臣蓋烏魚也范巡方有詩

網魚統捕正頭烏與味頻嫌至後殊海堀引回憐瘦劇船頭懸罟急徵輸釣緜信是嬌漁父幻化魚洎問老夫曾食江鰩爭比得杭有江鰩芙蓉花裏好提壺

海翁魚

海翁魚大者約三四千斤小者亦千餘斤口中涎沫常自吞吐有遺於海邊者黑色淺黃色番每取之假作龍涎香以賈利乾隆九年冬淡水白沙墩雷擊死隨潮擱淺巨魚二十二尾如排列狀頭似豕長丈餘目生額下口濶四尺魚身蝦尾腹寬二尺尾寬七尺約長三丈有奇居民以為

海翁魚云

龍涎香
詳雜記

海龍

海龍產自澎湖澳冬日雙躍海灘漁人獲之號為珍物有
尾似龍魚牙爪長尺餘以之入藥功倍海馬孫司馬有詩
澎湖島漁人乞我歌海龍雙躍出盤渦爪牙未具空鱗鬣直
似枯魚泣過河

海馬

海馬狀似馬頭有駿四翅漁人網獲以為不祥



終卷

171

地志

嘉業堂藏書

史部地理類

臺海見聞錄

二卷

崇安董天工撰

舊鈔本 四冊

